

植物名實圖考

三十四

植物名實圖考卷之三十一

固始吳其濬著

蒙自陸應穀校刊

果類

林檎

椴梔

胡桃

榛

菴羅果

柑

橙

新會橙

荔枝

海松子

水松

楊海

橄欖

烏欖

椰子

桃椰

棹柿

獼猴桃

甜瓜

枸櫞

金橘

公孫桔

銀杏

西瓜

人面子

蘋婆

黃皮果

羊矢果

秋風子

蜜羅

憐果

勃臍

棠梨

天茄子

無花果

海紅

波羅蜜

五斂子

天師栗

露兜子

槌子

雞矢果

落花生

糖刺果

番荔枝

番瓜

佛桃

岡拈子

山橙

梨檬子

瓦瓜

哈密瓜

野木瓜

水茶白

木桃兒樹


文冠果

櫨子樹



林檎

林檎開寶本草始著錄卽沙果李時珍以爲文林郎果卽此



楡
楸

二

果類卷之三十一



榘梲

榘梲開寶本草始著錄今惟產陝西形似木瓜又似梨多以飢盤有攜至京師者取其香氣置盤筭中以薰鼻煙不復供食



胡桃



果類卷之三十一

胡桃

胡桃開寶本草始著錄北方多有之唯永平府所產皮薄謂之
露穰核桃木堅作器物良



榛

果類卷之三十一



榛

榛開寶本草始著錄禮記女贄榛栗說文作栗詩義疏謂有二種遼東上黨皆饒鄭注禮云關中廊坊甚多今直隸東北所產極多販市天下山西志出長治壺關潞城而大同屬之廣靈與宣化界產尤美太原山阜間叢生樹高丈餘俱如李時珍所述其實周匝有圓葉似畫家作雲托日狀殼甚堅多不實十榛九空非虛語也爾雅翼以廊坊多產遂謂其字從秦以此不知說文本作栗假借作榛而燕晉皆饒何獨秦也北人謂有鼠如鼯聚榛爲糧貯之穴中山岷多掘取之其卽鼠果之類歟



菴羅果

菴羅果開寶本草始著錄蓋卽今之沙果梨色黃如梨味如蘋
果而酥爲果中佳品亦不能久留殆以沙果與梨樹相接而成
雩婁農曰菴羅果昔人皆謂產西洛而李時珍獨引梵語爲證
夫西方當天地之適斂少雨多風故果碩而味雋漢都長安距
玉門近多致異域種今則北達幽薊南抵宛洛數千里移植幾
徧蓋江淮以北地脈同也橘不踰淮著於考工記禹貢獨以橘
柚爲荊州厥包一果實之微前後聖人皆致意焉此豈以奉口
腹哉蓋熟觀於天時地利明著其土物之不宜而杜後世侈心

之萌也夫麻麥荏菽奏庶艱食瓜菰之屬園圃所亟惟橘柚有
不可遷之性而能致遠書曰厥包明乎非黍稷藟棗可以徙移
種藝而江南佳實橘柚外殆皆未可包致矣漢之上林晉之華
林務求奇詭道君良嶽乃儻南海荔支而花實之蔡條誇載於
叢談蓋深謂前人拙耳嗚呼一簞食一千乘雖愚者亦知其輕
重獨奈何置安孟於不顧珍朵頤而管民力致使高臺廣陛蕪
沒荆棘豈不大可喟哉昔人有射猿麝而投弓者謂違物性必
有大咎草木無知亦稟自然彼陳唐之檜一碎於雷一汨於海
豈有感於盛衰之機甘爲枯槎泛梗而不願與良嶽之石相隨

北去耶噫其違物性也亦甚矣





柑

柑開寶本草始著錄南方種類極多其獅頭柑則唯皮可啖皮核葉皆入藥





橙

橙開寶本草始著錄今以產廣東新會者爲天下冠湖南有數
種味甘酸不同





新會橙

廣東新會縣橙爲嶺南佳品皮薄緊味甜如蜜走數千里不變
形狀與他亦稍異食橙而不及此蓋不知橙味






荔支

荔支開寶本草始著錄以閩產者佳江西贛州所屬定南等處與粵接界亦有之其核入藥

零婁農曰吾至滇闕元江志有荔支適粵中門生權牧其地訪之則曰邑舊產此果以誅求爲吏民累並其樹刈之今無矣余謂之曰粵人聞人言荔支輒津津作大嚼狀今元江物土旣宜足下何不致南海嘉種令民以法種之俟其實而嘗焉其日曝火烘者走黔湘以博利浸假而爲安邑棗武陵橘非勸民樹藝之一端乎則應曰元江地熱瘴甚牧以三年代率不及期而請

病其僕僣以熱往以櫬歸者相繼也亦何暇作十年計乎且瀕亦大矣他郡皆無此郡獨有圍成而賦什一民卽不病而筐篚之費馱負之費供億餽問無虛日不厲民將焉取之余恍然曰一騎紅塵詩人刺焉爲民上者乃以一味之甘致令草木不得遂其生乎噫




海松子

海松子


三

果類卷之三十一



海松子

海松子開寶本草始著錄生關東及永平等府樹碧實大凌冬
不凋






水松 附

水松產粵東下關種植水邊株多排種水浸易長葉碧花小如
柏葉狀樹高數丈葉清甜可食子甚香美按南方草木狀水松
葉如檜而細長出南海土產衆香而此木不大香故彼人無佩
服者嶺北人極愛之然其香殊勝在南方時植物無情者也不
香於彼而香於此者豈屈於不知己而伸於知己者歟物理之
難窮如此蓋卽此松又南越筆記水松者榲也喜生水旁其幹
也得杉十之六其枝葉得松十之四故一名水杉言其枝葉則
曰水松也東粵之松以山松爲牡水松爲牝水松性宜水蓋松

喜乾故生於山檜喜濕故生於水水松檜之屬也故宜水廣中
凡平隄曲岸皆列植以爲觀美歲久蒼皮玉骨礪礪而多癭節
高者坐駢低者蓋漫其根漬水輒生鬚鬣孌娜下衆葉清甜可
食子甚香





楊梅

楊梅開寶本草始著錄吳中產者佳可爲粽卽醬也廣信以釀酒汀州志鹽藏可治傷破



本草綱目卷之二十一

橄欖

上

果類卷之三十一



橄欖

橄欖開寶本草始著錄湖南及江西建昌府亦間有之有尖圓
各種





烏欖

烏欖嶺南種之其核中仁長寸許味如松子亦多油過嶺以鹽
饊炒食甚香嶺南雜記以爲卽木威子從之廣東志粵中多種
烏欖其利多白欖種者少號曰青子番禺婦女多以斲烏欖核
爲務核以炊仁以油及爲禮果



椰子


果類卷之三十一



椰子

椰子開寶本草始著錄瓊州有之羊城夏飲其汁云能解暑度
嶺則汁漸乾味變矣





桄椰子

桄椰子開寶本草始著錄一名麴木廣中有之木爲車轆不易折以爲箭鏃中人則血沸





裨柿

裨柿開寶本草始著錄色青以作漆



獼猴桃

三

果類卷之三十一



獼猴桃

獼猴桃開寶本草始著錄本草衍義述形尤詳今江西湖廣河南山中皆有之鄉人或持入城市以售安徽志獼猴桃黟縣出一名陽桃九十月間熟李時珍解羊桃云葉大如掌上緣下白有毛似苧麻而團此正是獼猴桃非羊桃也枝條有液亦極黏





甜瓜

甜瓜嘉祐本草始著錄北方多種暑月食之瓜蒂本經上品圖經云瓜蒂卽甜瓜蒂能吐人瓜子仁別錄爲腸胃脾內壅要藥零婁農曰余觀聞見前錄謂呂文穆公行伊水上見賣瓜者意欲得之無錢可買其人偶遺一枚於地悵然食之後臨水起亭以饅瓜爲名不忘貧賤之意喟然嘆曰無主之李志士不食文穆雖貧何至爲東郭之乞餘哉吾嘗過瓜疇矣河南北善種瓜瓜將熟結廬以守中田有廬疆場有瓜猶古制也瓜成集婦子而并手摘之其晚實者瓜小味劣俗名拉秧瓜棄而不顧行者

居者斷其蔓而得之無過問者或旅人道暘不能度阡越陌有就而餽之者若種西瓜而取其子則陳於康衢以待食者而留子焉有茶社或並設瓜飲必伯夷之粟而後食賢者無取乎其矯文穆貧時不能得美瓜體訓傷熱溼亦通噎或得病瓜及瓜之噎人者歟否則字當作饑野人之饋抑哀王孫而進食者歟吾慮後人以文穆不避瓜田納履之嫌者故辨之





枸櫞

枸櫞詳草木狀宋圖經始著錄卽佛手柑





金橘

金橘歸田錄云產於江西今江南亦多有之唯寧都產者瓢甜如柑冬時色黃經春復青或卽以爲盧橘又一種小者爲金豆味烈贛南糖煎之本草綱目收入果部辰谿志橘小而長者爲牛爛橘四季可花隨花隨實皮甘可食卽此



公孫桔

果



公孫桔

公孫桔產粵東樹高丈餘枝葉繁茂花果層次駢綴自下熟上
由紅至青尖頂尙花下已紅熟香甜適口味帶微酸皮可化痰
經冬不凋辰州諸屬橘類有公引孫卽此附金橘後以備一種



銀杏

毛

果類卷之二十一



銀杏

銀杏日用本草始著錄卽白果一名鴨腳子或云卽平仲木埋
堅重製器不裂匠人重之



五瓜瓜

蘇合珠胎瓜

瓜

瓜

瓜

瓜

瓜

蜜

瓜

瓜



西瓜

果類卷之三十一

西瓜

西瓜日用本草始著錄謂契丹破回紇始得此種疑卽今之哈蜜瓜之類入中國而形味變成此瓜夏小正五月乃瓜乃者急辭八月剥瓜畜瓜之時瓜兼果蔬故授時重之近世供果惟甜瓜西瓜二種本草瓜蒂陶隱居以爲甜瓜蒂瓜以供食不入藥王世懋以邵平五色子母瓜當卽甜瓜考廣志狸頭蜜筍女臂諸名惟甜瓜種多色異足以當之而所謂瓜州瓜大如斛青登瓜大如三斗魁則非西瓜無此巨觀但無西瓜名耳昔賢詩多云甘瓜字爲雅馴而張載瓜賦元表丹裏呈素含紅甜瓜鮮丹

紅瓢者故以爲仙品劉楨瓜賦厥初作苦終然无甘甜瓜未甚
熟及近蒂時有苦者西瓜無是也楊誠齋詩風露盈籃至甘香
隔壁聞綠團罌一捏白裂玉中分花藥夫人宮詞玉人手裏剖
銀瓜五代宋時西瓜已入中國所詠乃以白色爲上則仍是甜
瓜也西瓜雖有白瓢而味佳者其種後出亦希有墨莊漫錄襄
邑出一種瓜大者如拳破之色如黛甘如蜜餘瓜莫及此甜瓜
之美者吾鄉名曰酥瓜捏之輒碎一種黃者大而易種甘而不
脆俗曰噎瓜言其速食則噎也又古之言瓜者皆云削瓜乃食
其膚周王罷性儉率有客食瓜侵膚稍厚罷及瓜皮落地引手

就地取而食之食西瓜者反此昌平州志物產香瓜皮青子細
瓤甘肉脆氣香味美絕勝甜瓜甜瓜類最繁有圓有長有尖有
匾大或徑尺小或一捻其棱或有或無其色或青或綠或黃斑
糝斑或白路黃路其瓤或白或紅其子或黃或赤或白或黑要
之味不出乎甘香而已瓜種蓋盡於此余嘗取種種於湘中味
變爲越瓜南方志有謂甜瓜皮質堅老入醬爲菹者毋亦類是
山西通志西瓜今出榆次中郝東郝西郝三村一種黑皮黃瓤
絳子一種綠皮紅瓤黑子子有文名刺麻瓜一種綠皮紅瓤紅
子名蜜瓜味殊甘美今以入貨市塵傳者有一種三白瓜皮類

子白味絕美但未熟則淡既熟易瓢

俗謂瓜漸腐曰瓢言如絲絡之縷也

種者亦

不繁圃人云每一科得兩瓜卽稱稔歲也江以南業瓜者蓋少
余所至如湖廣之襄陽長沙皆有瓜疇江西贛州瓜美而子亦
豐城瀕江亦種之滇南武定州瓜以正月熟上元饌瓜鏤皮爲
燈物旣非時味亦迥別亦可覘物候之不齊矣

人面子

三

果類卷之三十一



人面子

人面子見南方草木狀紀載亦多及之葉濃果出枝頭形如李大凸凹不正生青熟黃味酸一瓜五六枚七八枚不等核如人面故名內有仁三粒必經鹽醋浸過其仁方甘可食又其核生則白熟則色微黑點茶如梅花片光澤可愛此樹最宜沙土數歲卽婆娑偃地

本草綱目卷之二十一

蘋婆

三

果類卷之三十一



蘋婆


蘋婆詳嶺外代答如阜茨子皮黑肉白味如粟俗呼鳳眼果



黃皮果

三

果類卷之三十一



黃皮果

黃皮果詳嶺外代答能消食桂林以爲醬其漿酸甘似葡萄食
荔支饜飶以此解之諺曰飢食荔支飽食黃皮又有白蠟與相
似諺曰黃皮白蠟酸甘相雜





羊矢果

三四

果類卷之三十一

羊矢果

羊矢果生廣東山野間味微酸人鮮食之唯以飼羊故名 按桂海虞衡志羊矢子色狀全似羊矢味亦不佳形不甚肖或乾時黑如羊矢耶又南越筆記羊齒子一曰羊矢如石蓮而小色青味甘當卽此




秋風子



秋風子

桂海虞衡志秋風子色狀俱似榛子今廣東多有之其葉本青
經霜則紅果似梨而小先青後黃味酸澀熟乃可食





蜜羅 卽蜜筍

蜜羅生閩廣南安施南亦有之與佛手柑同類無指爪廣東又有榛果形差類

雋婁農曰吾少時侍先大夫於楚北學使署中有幕客自施南回攜一果兒啖如橘柚而形不止圓肉白柔厚如佛手柑以爲卽佛手柑不具指爪者越廿餘年倬直

南齋歲臘

賜果一筍題曰蜜羅蓋閩中臺吏所進時大寒瓢作堅冰以溫水漬之剖置茶甌一室盡香亦內臣所授也尋使湖北按試施

州筵之核盤之供皆是物也竊以形味都非珍品而厥包作貢
因爲賦詩有方朔老醜待詔金門之誚後使豫章至贛南於市
中粥一果形正同而瓢如橘味殊酢又以爲朱欒之異種及莅
滇則園中植之樹與花皆佛手柑也土人名曰香櫞始知有指
爪者爲鉤櫞無指爪者爲香櫞又或一枝之上兩者俱擎古人
有以香櫞爲佛手柑者洵非耳食按黔書蜜筩柑或曰卽南海
之紫羅橘蓄之樹以浹歲薦之槃以彌月滇曰蜜筩黔曰香櫞
誠一物矣而興義府志紫羅橘出安南俗名蜜筩香色似蜜羅
而小皮薄有穰思南府志香櫞卽蜜羅柑氣芬肉厚點茶釀酒

俱宜然則蜜羅蜜筍爲二物而余在贛南所啖者乃蜜筍也黔
書述之未晰貴州志有謂作藤生者亦誤矣夫一物不知以爲
深恥余非仰叨

恩澤屢使南中亦僅嘗遠方之殊味考傳紀之異名烏能覩其
根葉薰其花實而一一辨別之哉

植物名實圖考

榛果

果


果類卷之三十一



櫛果

櫛果生廣東與蜜羅同而皮有黑斑不光潤此果花多實少方
言謂誑爲櫛言少實也猶北地謂瓜花之不結實者曰詭花耳
核最大五月熟色黃味亦甜





蒟臍

蒟臍爾雅芍鳧茨卽此諸家多誤以爲烏芋宋圖經所述形狀
正是今蒟臍



棠梨



棠梨

棠梨爾雅杜赤棠白者棠本草綱目始收入果部救荒本草葉
花皆可食





天茄子

三

果類卷之二十一

天茄子

天茄子救荒本草謂之丁香茄茄作壘煎葉可作蔬其形狀絕類牽牛子或卽以爲牽牛花殊誤



魚尾草圖考


無花果

果類卷之三十一



無花果

無花果救荒本草錄之本草綱目引據頗晰




海紅



海紅

海紅卽海棠花實本草綱目始收入果部京師以糖裹食之



波羅蜜



波羅蜜

波羅蜜詳桂海虞衡志本草綱目始收入果部不花而實兩席
皆有之核中仁如栗亦可炒食滇南元江州產之三五日即腐
昆明僅得食其仁其餘多同名異物粵志謂無花結果或生一
花花甚難得即優鉢曇花可備一說



本草綱目

五斂子

卷之

果類卷之三十一



五斂子

五斂子卽楊桃詳草木狀本草綱目始收入果部能消猪肉毒其味酸淡或謂以糯米澆之則甜又可以蜜漬之蘇長公詩恣傾白蜜收五稜也廣人以爲蔬能辟嵐瘴其汁能吐蠱毒



天師栗

果

果類卷之三十一




天師栗

天師栗益部方物記載之李時珍以爲武當山所產娑羅子卽此通志從之湖北園圃有種植者亦呼娑羅果



露兜子

果類卷之三十一




露兜子

露兜子產廣東一名波羅生山野間實如蘿蔔上生葉一簇尖長深齒味色香俱佳性熱 按嶺南雜記番荔支大如桃色青皮似荔支殼而非殼也頭上有葉一宗擘開白穠黑子味似波羅蜜卽此也又名番婁子形如蘭葉蜜長大抽莖結子其葉去皮存筋卽波羅麻布也果熟金黃色皮堅如魚鱗狀去皮食肉香甜無渣六月熟

四槌
樹子

樹子



槌子

槌子產廣州亦柑桔之類陳皮本以柑皮製者爲最市間亦有以槌皮爲之者質稍薄而味亦遜



雞矢果



雞矢果


雞矢果產廣東葉似女貞葉而有鋸齒果如小石榴一名番石榴味香甜極賤故以雞矢名之 按南越筆記番石榴又名秋果嶺外代答黃肚子如小石榴皮乾硬如沒石子枯莖如棘其上點綴布生不甚噉食當卽此樹小花黃白果如梨大生青熟黃連皮食香甜六月熟

落花生




落花生

落花生詳本草從新處處沙地種之南城縣志俗呼番豆又曰
及地果贛州志落花生一名長生菓花落時根下結實如豆性
與王瓜相反不可同食



糖刺果
 一名刺楸
 一名刺楸
 一名刺楸
 一名刺楸



糖刺果

糖刺果生江西籬落間蔓葉如薔薇白花有深缺黃藥土人以
其果熬糖故名



番荔枝



番荔枝

番荔枝產粵東樹高丈餘葉碧菓如梨式色綠外膚礪礪如佛
髻一果內有數十包每包有一小子如黑豆大味甘美花微白
按麻姑山亦有番荔枝據寺僧所述亦甚相類惟未見其結實
而僧言實不可食故附繪備考

雩婁農曰余使粵時尙未聞有番荔枝頃有粵人官湘中者爲
余畫荔枝圖而并及之夫似荔枝者有山韶子一曰毛荔枝又有
龍荔介乎二果之間其形與味皆有微類者若此果則但以礪
柯目之耳麻姑山之樹未見其實而緣心突起已具全形及至

滇乃知其爲雞嗑子滇志以入果品而人不甚食其膚亦肖荔也昔人作同名錄大抵皆慕古人之人而以其名爲名有名其名而類其人者有絕不類其人者志同名者蓋深求其同不同而恐人之誤於同也若斯果及雞嗑子之微相肖者雖欲附端明諸公之譜以幸存其名烏可得耶

番瓜



番瓜

番瓜產粵東海南家園種植樹直高二三丈枝直上葉柄旁出
花黃果生如木瓜大生青熟黃中空有子黑如椒粒經冬不凋
無毒香甜可食按益部方物記脩幹澤葉結實如綴膚解核零
可用治痺其形狀亦頗類但謂葉甚似桑而不云子可食姑附
識備考又羅江縣志石瓜一名冬瓜樹可治心痛云

佛桃

果

果類卷之三十一




佛桃

佛桃

佛桃湖南圃中間有之木葉俱如佛手柑實如橙而長色尤鮮
潤瓢如橙極酢不可入口而香氣勝於佛手柑



岡拈子



岡拈子

岡拈子生廣東山野間形如葡萄內多核味酸微甜牧豎採食不登於肆



山橙



山橙

山橙生廣東山野間實堅如鐵不可食土醫治膈證煎其皮作
飲服之良效販藥者多蓄之



黎檬子

果

果類卷之三十一



黎檬子

黎檬子詳嶺外代答一名宜母子味酸婦子懷妊食之良故名
又名宜濛子廣州下茅香檬蓋元時栽種者尤香馥云





瓦瓜



瓦瓜

瓦瓜產廣東類南瓜葉小採置盤中經歲不壞日久肉乾外殼如瓦缶






哈密瓜

哈密瓜西域聞見錄有十數種綠皮綠瓢而清脆如梨甘者似醴者爲最上圓扁如阿渾帽形白瓢者次之綠者爲上皮淡白多綠斑點瓢紅黃色者爲下然可致遠久藏回子謂之冬瓜可收至次年二月餘皆旋摘旋食不能久留云余倭直 禁近歲蒙 賞果出莅滇南仍邀驛 賜蓋瓜之貢者瓢皆紅黃色取其致遠不責以美尙邊圉賞賚則有瓜乾卽明王世懋所謂乾以爲條味極甘而誤以爲甜瓜者也陝甘人云種之中土皆紅瓢小犀一年卽變非我 國家恩威西被此瓜亦烏能與天馬

葡萄同來 闕下便番錫賚所以示 文德武功加於無外
也洪忠宣萬里羈留卒能攜種南還臣子幸際大一統之盛得
嘗前賢所未嘗若以黃瓠少師適從何來何以讀忠宣書

和物
古書
圖考

三



野木瓜

救荒本草野木瓜一名八月槿又名杵瓜出新鄭縣山野中蔓
延而生爰附草木上葉似黑豆葉微小光澤四五葉攢生一處
結瓜如肥阜大味甜採嫩瓜換水煮食樹熟者亦可摘食



水茶曰

茶

果類卷之三十一



水茶曰

救荒本草水茶曰生密縣山谷中科條高四五尺莖上有小刺
葉似大葉胡枝子葉而有尖又似黑豆葉而光厚亦尖開黃白
花結果如杏大狀似甜瓜瓣而色紅味甜酸果熟紅時摘取食
之




木桃兒樹



木桃兒樹

救荒本草木桃兒樹生中牟土山間樹高五尺餘枝條上氣脈
積聚爲疙瘡狀類小桃兒極堅實故名木桃其葉似楮葉而狹
小無花又卻有細鋸齒又似青檀葉梢間另又開淡紫花結子
似梧桐子而大熟則淡銀褐色味甜可食採取其子熟者食之



文冠果

木

果類卷之三十一



文冠果

救荒本草文冠果生鄭州南荒野間陝西人呼爲崖木瓜樹高丈許葉似榆樹葉而狹小又似山茱萸葉亦細短開花彷彿似藤花而色白穗長四五寸結實狀似枳殼而三瓣中有子二十餘顆如肥皂角子子中瓢如栗子味微淡又似米麩味甘可食其花味甜其葉味苦採花燂熟油鹽調食或採葉燂熟水浸淘去苦味亦用油鹽調食及摘實取子煮熟食

櫨子樹

三

果類卷之三十一



櫨子樹

救荒本草櫨子樹舊不著所出州土今鞏縣趙峯山野中多有之樹高丈許葉似冬青樹葉稍闊厚背色微黃葉形又類棠梨葉但厚結果似木瓜稍圓味酸甜微澀性平果熟時採摘食之多食損齒及筋